

荒政要覽

荒政要覽

俞毅夫先生示

輯

覽余一讀心折曰嗟乎古今譚
政不翅詳矣其間聖哲之所
蘊於懷忠智之所蒿目
土不洋洋乎宏謨石

相之慈航哉而慨世
老言折衷之曰救荒無
奇策夫非策無奇策於旣荒雖
奇不名爲奇至於近世司牧
日一切因循不講於
一旦有急苟且塞局一

人之所謂下策與弊策而望其
有濟病國病民不可勝道矣傳
曰古者稅什一豐年補助不外
求而上下足雖累凶年民弗病
也

元氣之說也雖名爲
祖晁鑑當文景恭儉

誠積貯議貴粟危言

激言 一皇乎如饑饉洊臻土崩
瓦解之當其前見及此矣夫儲
倚之與拯災難易豈下逕庭哉
周禮荒政十有二而統之曰聚
萬民言民散矣而議所爲聚之

之術雖備舉十二策以接后子
臣行之但及於民之無散如鴻
鴈之歌所稱勛勞安宅而止而
上下不遺餘力矣此聖人之微
詞也國無札瘥民無捐瘠及是
時講於農桑衣食蓄積歛散之

法凡爲此者可無濡手足焦毛
髮已令三年九年有備無患突
國家不幸有方二千里之旱
所在廩庾可以相卹或至邊境
有急數十百萬之衆饋餉可繼
堯禹湯九年之水七年之旱不

害爲平世其故可惡也宋臣蘓軾之言曰救災卹急及於未饑用物約而所及廣救於已饑用物博而所及微旨哉言乎上下古今得失之故舉不出此矣辟則醫然脉理不病時饑寒調營

衛少諳攝生者足辦矣迨既病
或病甚雖秦越人見垣一方有
能有所不能不及時圖事揆策至
其敝而後爲之猥云有裨於人
國吾不信也是編首

詔諭次奏牘又次敘荒總論平

日豫備水旱

計禦

饑拯

恩

夫荒後寬卹遇荒得失荒政樹
藝救荒本草臚分類列定爲十
卷大都先事有備禦患有經古
今法術可裨民艱菟獐無遺有
經世之志者家存一帙如奕有

譜如車有指南循而用之變而
通之則存乎其人毅夫長材大
略此不可以窺一斑邪方今中
外無兼歲之蓄則儲侍亟四方
無不儉之歲則塏卹亦亟國方
匱而議拯卹則難一議拯

付

議儲侍則尤難余謂儲侍
卹難蓋亦道其常耳至於今日
夫安往而非難者哉圖難而易
者猶可致以爲難而不之圖國
家不何賴焉余不敏然有概於
此久矣因毅夫問序書以歸之

分

六

丁未仲春望後三日廬陵劉日

升撰

俞毅夫先生荒政要覽叙

翰林院庶吉士張翥

周禮荒政聖人補造化之書也在昔堯水
湯旱其時樹藝未興或興矣而民間風習
古嗇無窮奇誇鬪游惰不經之事故聖人
第以憂勞無爲補助之而天下治迨其後
也地汚邪而民淫觴天災盜賊之不免而
聖人始不得已而言救救王者有爲之道

也然而皆聖人憂勞之精神爲之吾嘗論造化亦至霧變矣豐穰之不能無飢儉也猶晴之不能無雨而燠之不能無寒也乃人則生生而新新人之精神何所不至矣聖人作裘以抹寒作宮室以救風雨作十二政以救荒大要補造化而設也而後世乃寢廣其衣裘之備宮室之度建守貴而平糴義倉之漙漙日立設而患日而

仁人君子救之者益無餘策要以祖人
補造化之意而用其生主新新之精神則
是造化生人以拯人雖謂其有全功可耳
俞毅夫先生舉進士三十餘年體物而大
心經國而重謀喜任事而不同于衆是以
官爲郎而無怨惡善病而不解其當世之
憂予知先生之精神直能補造化也予觀
當今之世曹局設而救孔百出至引繩批

根牢不可破河身出入瞬息易位雖千季
來帝王豪傑計畫所之竟同一葦以至賦
重而民淫祲災靡歲不有則又禍中在桑
麻間也先生爲南曹司馬郎而洗餘腥之
弊一新竟因是躡而復起太息河防之不
振則言于 朝作指掌圖說以告當事已
又念東南雨陽爲咎民苦不飽半反則又
輯當代荒政詔諭奏續杆槩賑卹六 列

爲十卷以示有民社者有備無患
之精神亦可謂至矣世之衰也人不能無
爲而修政修教諸有爲者乃大益于世要
以種種方畧皆精神能變通之遇病而爲
方不因方而治病今一一按周官十二政
而救今日之荒荒不可救若離諸冊子功
令則策又無奇須知體聖人補造化之意
從心變化不法于法即先事後事焦心盡

力猶然什一補助熙攘無爲之初斯爲善
讀周禮善解先生之書夫書則先生自傳
其精神也救民者得先生之精神無徒以
書求先生則先生之船政河籌具在也

荒政要覽序

說者謂三代以前有荒歲而無
荒民之代以後有荒民而無荒
政夫荒政胡可一日不預備云而
其政綦詳于周禮所稱青糶緩
刑糴糴禁終于除盜而閭閻受
鄙牧州恤世主地祿以利得民

不蠲抹焚拯溺何也民猶子也
子倒懸而父不拯子民之責謂
河顧火司徒懸十二荒政大都皆
治荒耳聖王以治荒為平計
以備荒為預計以保息本裕為
常計惟常計久而議積年積
貯虛而議抹荒及拯荒多而

民始求為皇計一不可得。有
棄親戚捐唐墓。籲天呼地雷
噪而泣。趣食四丈而天下資之多
尋茲部僚俞更毅夫所為目
長慮也者。用是慨然以事內生
以置為己任。嘉興同志者。求周禮
捕荒之遺意。博考諸家。歷稽

往蹟提挈喫要如昭日星所列
速賑預

奏捕瘞貸種續食安插不遺餘力
而賑糴賑濟甚者損萬斛費
萬緡而不惜以至不墾不墾給厝
引旗井：秩之有條有要且一切
樵山漢水脩堤浚河設法一以

多為才略財水生陸和如
芟筍之屬莫不原厥根由餒饑
民于百死一生故招流給糜起
瘠溝中掩骼埋骸推恩枯骨惡
令一夫之不獲乎是汲長孺鄭
富公之極思而堯舜三王之善
政也其大要尤在修堰閘濬湖

蕩以為曠。蕩吐納之具。是以特
揭。綱要為荒政。先友豈無立造
于常。平社倉。平糶義倉。復憐
憐。計及于公私之貯收。散之糴
蓋不以饑穰聽之天行。亟為修
備。起季惺。壽昌。長孫。安育。而
謀之其要領。不遇如此。非下州

常計預計括之篇中而諒度
餘殃惘之掌上耶仁民衆鑑曷
以加茲洎乎汰侈去靡自乘輿
服御凡親信給而下無所不為故
薄正散利皆可通融其有無
實為澄本清源之要論何可冒
為周禮之土宜廩飯云易曰后以

裁成輔相天地之宜以左右民之
災沴剪髮斷爪變膚且不以
愛遑恤其它宜乎毅夫以毛裏
厲民而耻為豕

國家無形之弊也今且次為篇什
垂廉要法付之剗剗氏懸于國門
千金不易行將什韻珍之為寶

師長人者一眚而仰體

祖宗休養元々至意直貽

社稷于苞桑之固其毅友仁人之

究心哉是為序

萬曆丁未仲春日

在京工部都水清吏司主事

眷賓易金汝礪舒之祥撰

荒政要覽

卷一

詔諭

卷二

奏議

卷三

總論

卷四

平日預備之要

修舉水利六款

禁淤湖蕩

疏經河

開溝渠

築堤岸

山鄉積水

沿海護塘

論積儲法

王制豐年積儲法

平糴法

義倉法

常平倉法

朱子社倉法

國朝義倉社會法

廣積倉法

修預備倉法

備荒藏穀法

卷五

水旱扞禦之要

修德禳災

誠禱祀

求直言

督率修補田圍

早報災

速檢荒

區田救旱法

櫃田禦水法

頒旱稻種

勸種二麥

治蝗

戒民節縮食物

卷六

饑饉拯救之要

蠲糧稅

賑濟

借貸內庫

通融有無

立賞格

加恤寒士

安撫流民

贍養癯獨

施粥糜

治盜

掩骼埋胔

卷七

荒後寬恤之要

超擢循良

捐逋負

賑農

戒侈靡

酒禁

懲游惰

施藥餌

招流亡

贖養男女

講禦薦饑

卷八

遇元得失之鑒

救荒善政

四十九條

失政殃民

二十三條

卷九

備荒樹藝 雜法附

共二十九條

卷十

牧荒本草

共五十一種

目錄畢

政要隨見卷之一

雲間俞汝爲輯錄

陽平孟楠

雋李金汝礪訂正

詔諭

朱子謂古來覆敗之由何嘗不因饑饉有司上告而天聽若罔聞是蔑視國恤也

朝旨屢屢溝壑如故慢上殘下厥咎奚逃莊誦
皇言仰見

列聖愛養元元至意俾司民牧者考焉叙詔諭
第一

洪武元年八月

詔曰今歲水旱去處所在官司不拘時限從官踏勘
實災租稅卽與蠲免

洪武十九年

詔曰所在鰥寡孤獨勘明白果有田糧有司未曾除
去設若無可自養者官歲給米六石其孤兒有
出不能自爲旣免差役有親戚者有司責令親

戚收養無親戚者鄰里養之母致失所其無田
有司一體給米六石鄰里親戚收養其孤兒名
數分豁有無恒產以狀來聞候出幼同民立戶
永樂九年辛卯七月戶部言賑北京臨城縣饑
民三百餘戶給糧三千七百石有奇

上曰國家儲蓄上以供國下以濟民故豐年則斂凶
年則散但有土有民何憂不足隋開皇間大旱
民饑文帝不肯開倉賑濟聽民流移就食末歲
計所積可供五十年倉廩雖豐民心不固煬帝

無道遂至滅亡前監具在今後如遇水旱民饑
卽開倉賑給無令失所

永樂十九年四月

詔曰有被水旱缺食貧民有司取勘賑濟

又

詔曰各處軍民人等有因陪納稅糧馬匹等項將子
女并田地產業賣與人者官與給價贖還其子
女已成婚配不願收贖者聽從其便

永樂二十二年八月

詔曰被水旱缺食貧民有司卽爲賑濟

洪熙元年正月

詔曰各處遇有水旱災傷所司卽便從實奏報以憑
寬恤毋得欺隱坐視民患

洪熙元年六月

詔曰有被水旱災傷去處缺食貧民有司卽取勘
賑濟毋得坐視民患

宣德二年十一月

詔曰各處鹽糧稅糧除宣德二年以先未完者依例

徵納其宣德三年稅糧鹽糧以十分爲率蠲免三分

宣德三年戊申三月工部侍郎李新自河南還言山西民饑流徙至南陽諸郡不下十萬餘口有司軍衛各遣人捕逐民死亡者多

上諭戶部尚書夏原吉曰民饑流移豈其得已仁人君子所宜矜念昔富弼知青州飲食居處醫藥皆爲區畫山林湖泊之利聽民取之不禁所活至五十餘萬人今乃驅逐使之失所不仁甚矣

其卽遣官往同布政司及府縣官加意撫綏發
倉廩給之隨所至居住有捕治者罪之

宣德六年三月

欽降撫民榜文內一款逃移人戶但招回復業之後
有司逐一委付親鄰里老收管或有被人侵占
莊宅田地卽與追還若有初回產業牛具種子
或有未備務要通相勸諭週急資助使各成家
計不致失所若親鄰里老不行週給資助却又
索債欺凌妄取替辦糧差等項錢物百般擾害

或有司官專管撫民官不行用心撫綏仍復生
事科擾致使初回之人不得安土又復逃移者
撫民侍郎巡按御史按察司官就行拏問仍杖
限委令招回復逃之人

宣德八年四月

詔曰朕以非德恭嗣

天位統御兆民夙夜惓惓圖惟安利今畿內及河南
山東山西並奏自春及夏雨澤不降人民饑窘
朕甚惻焉夫

上天降災厥有攸自其政事之有闕歟刑罰之失中歟徵斂之頻繁歟撫字之不得人歟永念其咎內咎于心思惟感通之道必廣寬恤之仁庶

天鑒之旋災爲福所有合行事宜逐一條列故茲昭示咸聞知

一南北直隸府州縣并河南山東山西三布政司凡災傷去處人戶自宣德七年十二月以前拖欠夏秋稅糧戶口鹽糧及官軍屯種子粒悉皆停徵其拖欠各色課程鹽課并各衙門見坐派

買辦採辦諸色物料顏料等項及虧欠孳牧馬
驢頭羊牲口悉皆蠲免仍免其今年夏稅軍民
乏食者所在官司驗口給糧賑濟如官無見糧
勸率有糧大戶借貸接濟待豐熟時抵還
宣德九年八月

皇帝勅諭南京直隸應天蘇松等府州縣今水旱蝗
蝻災傷之處民人缺食好生艱辛但是工部派
辦物料卽皆停止待豐熟之時辦納其不係災
傷之處所派辦物料亦皆陸續辦納不許逼迫

差去催辦官員人等除修造海船物料外其餘
悉令回京不許遷延在外擾民違者論罪不恕
爾等其體朕恤民之心欽哉故諭

宣德九年十月

勅諭巡撫侍郎周忱及巡按監察御史并南京江南
直隸衛府州比聞直隸亢旱兵民饑窘以用創
然今將寬恤事件特勅頒示爾等其欽承朕命
毋怠故諭被災之處人民乏食爾等卽委官前
去於所在官倉量給米糧賑濟毋得坐視民患

一各處府州縣逃移人戶其近年拖欠非見徵糧
草爾等卽同府州堂上官從實取勘見徵俱令
停徵仍設法招撫其復業蠲免糧差一年
一各處府州縣有全家克軍并死絕人戶逃下田
地爾等卽同府州縣堂上官從實取勘具名
人承佃如係官田不分古額近額俱照民田例
起科其近年拖欠稅糧草束免徵

宣德十年二月

日水旱災傷之處并聽府州縣及巡撫官從實奏

聞朝廷遣官覆勘處置并不許巧名色以折糧爲由擅自科斂小民金銀段疋等物那移作弊侵欺入已違者罪之

正統四年三月

言臣所以眇躬嗣承大統仰惟

天眷之隆

祖宗創業之難夙夜抵愼用圖治理以寧萬邦一切不急之務悉已停罷告念君生樂業上協

天心切慮民情幽隱庶職未盡得人承流宣化有所

未至深歉于懷茲當春和萬物發舒吾民或有
未得其所者悉從寬恤以遂其生爾中外臣僚
其體朕心盡乃職務以才實効勿事虛文所有
合行事宜條示于後

一各處有被水旱災傷缺食貧民有司卽爲賑
賑濟切勿令失所

一民間應有事故人戶拋荒田地無人佃種有司
卽爲取勘除豁仍仰名人承佃中間有係官田
地卽照民田例起科若不係官民田地許令諸

人耕種三年後聽其報官起科所種與棗有司
時加提督務求成效不在起科之數

一各處逃移人戶悉宥其罪許於所在官司附籍
納糧當差其有願回原籍復業者免其糧差二
年通年拖欠稅糧等項悉皆蠲免

正統五年七月

皇帝勅諭行在工部右侍郎周忱朕惟饑饉之患治
平之世不能無之惟國家思患預防其爲賑濟
自古聖帝明王暨我

祖宗成憲於茲洪武中倉廩有儲旱澇有備具在令
典民用賴之比年所任州縣匪人不知保民墮
廢成法凡遇饑荒民無仰給今特命爾兼總督
南直隸應天鎮江蘇州常州松江太平寧夏池
州寧國徽州十府及廣德州預備之務爾等其
精選各府州縣之廉公才幹者委之專理必仕
得人爾則往來提督朕承

祖宗大統夙夜惓惓以生民爲心爾等其祇體朕心
堅乃操勵乃志精謀慮勤慎毋怠凡事所當行

者並以便宜施行具奏來聞勿怠勿徐須處置
有方不致騷擾而必見成效庶使猝遇災荒民
患有資不至甚艱朕選擇而委任爾必精白一
心以副委任其往懋哉如所選委官先有別差
爾則差官代理其先辦之事今選委者遇其考
滿亦須事完然後赴京爾亦不必來朝亦事但
遣人齎奏一切合行事宜條示于後故諭

一見今官司收貯諸色課程并賦法等項鈔貫及
收貯諸色物料可以貨賣者卽依時價對換穀

粟或易鈔糴買隨土地所產不拘稻穀米粟二
麥之類務要堅實潔淨不許揀和糠粃沙土等
項并須照依當地時直兩平變易不許虧官不
許擾民凡州縣正官所積預備穀粟頒計民多
寡約量足照備用如本處官庫支糴本府官庫
不敷具申戶部奏聞處置

一凡有丁力田廣及富實良善之家情願出穀粟
於官以備賑貸者悉與收受仍具姓名數目奏
聞非情願者不許抑逼科擾

一糴米在倉每倉須立文簿一處何書所積
之數一本州縣收掌一付看倉之人收掌并用
州縣印信鉗記但遇饑歲百姓艱苦即便賑貸
并須州縣官一員躬親監支不許看倉之人擅
自放支二處文簿并書放支之數還官之數亦
用放支之後并將實數具申戶部所差倉須
選忠厚中正有行止老人富戶就兼收支不許
濫用素無行止之人及貧斗級等項名色庶免
後來作弊

一凡各處閘洪陂塘圩田濱江近河堤岸有損壞
當脩築者先計工程多寡務要興隙之時量起
人天用工或人力不敷工程多者先於緊要去
處整理其餘以次用工不可追急若近江河隄
防工程浩大者但於受利之處今起夫協同俾
理其起集人夫務在驗其丁力均平差遣毋容
徇私作弊凡所作工程務要堅固經久不許苟
且徒費人力府縣正佐官時常巡視毋致損壞
一各處陂塘圩岸果有實利及比先有司或失於

開報許公條陳利民之實蹟勘明白新圖貼說
具申工部定奪如利不及衆不許虛費人力
一但遇近經水旱災傷去處預備之事并暫停止
豐年有收依例整理或有衝決圩岸必須將理
者及時脩整亦須斟酌人力

正統五年七月二十四日

勅行在工部右侍郎周忱得奏鎮常蘇松等府潦水
爲患農不及耕心爲惻焉今遣員外郎王瑛往
視就齋勸諭農戶卽躬自踏勘凡各部所淹沒

不得耕種之處其實奏來處置其被水之民有
艱難乏食者悉於官倉儲量給濟仍戒飭郡縣
官善加存恤毋令失所比聞浙江湖州嘉興皆
被水患今亦命爾一體整理朝廷專以賑卹養
民之務委爾爾宜夙夜用心勤思精慮區畫以
稱付託欽哉故勅

正統六年四月初八日

勅行在工部左侍郎周忱比聞應天太平池州安慶
等府自去年四月以來水旱相仍軍民艱食嘗

勅南京守備等官糶糧接濟尚慮公糶之民無
由糶買朕深念之勅至爾卽查究被災郡邑如
果人民缺食將預備倉糧量給賑濟加意撫綏
毋令失所仍戒飭有司官吏人等不許託此作
弊違者就拿問罪故勅

正統十四年九月初六日

詔書內一款云各處有被水旱災傷之處許令申達
上司踏勘得實該徵糧草所司卽與除豁人民
缺食者卽便設法賑濟毋令失所

正統十四年十一月十九日遣官招撫河南流民

勅曰今聞河南開封府陳州等處多有各處逃來趁食流民或與本處居民相聚一處誠恐其中有等小人久則至於誘惑爲非難以處置今特簡命爾往彼處會同左副都御史王來及彼處三司堂上官并原專一撫流民官員及巡按御史及本府州縣堂上能幹官平日爲民所信服者分投設法小心招撫令各自散處耕種生理有

缺食者量給米糧賑濟無田種者量撥與田耕
種務令得所宣諭朝廷恩重使之驚悟不許急
逼致有激變又爲患害其中果有能體朝廷恩
恤各散復業者量與免其糧差三年庶俾有所
慕戀仍提督所在衛所官軍操練軍馬固守城
池如有寇盜生發卽令相機勦捕毋致滋蔓爾
爲近臣受朝廷之委命必須夙夜盡心以畢乃
事不可因循怠忽有悞事機如違罪有所歸事
妥民安之時具奏俟命然後回京故諭

景泰七年五月初十日

勅曰朕爲國家以安生爲重君臣以政理爲先政失其理民生何由而遂朕承

祖宗大統兢惕于茲然而水旱薦臻軍民多致失所上天垂戒有位全不究心固朕不德之招亦豈無他所自掌祭祀者誠敬不修典軍民者或撫綏無法銓選無進退之明刑罰失輕重之當或風憲委靡而不振或冤抑負苦而難伸或假公濟私妄言利害或指無作有報復私讎抑閹聖人不

得已而用刑柰作用刑官任好惡而用法或避嫌疑寧無累已以殘人或瀆貨財惟務順非而枉是凡百致災寧不由茲思過省躬豈徒在朕特肆勅爾等務共體茲至懷必敬以奉禋祭必仁以惠兵民必明以進賢退不肖必審以刑懲辯無辜必廉以守法奉公必正以揚清激濁必言無不實必務去大奸必無舉細事及毋泛言苟有一違戾于此雖動勞罪所不原務有以愜人心庶可以回

天意勅至爾等如果仍前不改在內許六科給事中
十三道御史在外許巡按察司官明白指陳
實跡開具奏聞黜罷不宥不許懷挾私讎妄言
曖昧難明之事誣罔良善違者抵罪爾其勉之
敬之故諭

嘉靖

卽位

詔內一款云河防水利小民衣食之源關係最重各
有專官管理該管官員務要躬親巡視嚴密所

屬修築圩岸疏濬溝渠但有權豪刁凌之家脩
建池亭設立碾磨阻壞水利坑陷錢糧者并聽
自首拆毀改正與免本罪若有抗拒官府執迷
不首者隣佑之人舉告究治所在官司容情故
縱者事發一體治罪

嘉靖元年八月二十日

皇帝勅諭兩京文武羣臣朕以眇躬嗣守

祖宗鴻業代

天理物負荷惟艱夙夜兢兢罔敢自逸寵勉踰歲治

效未臻災異迭見近者南京守臣奏報七月二十五日猛風驟雨沙石飛揚江水湧溢

郊社

陵寢

宮闕城垣等處吻脊闌檻多被損壞并各衙門樹林拔倒數多大江船隻漂溺甚衆上新河等處邊江軍民房屋被水衝塌者亦不計其數而前此湖廣江西地方水患尤甚朕心祇懼莫究其端意者政事乖違刑罰不中民困未甦國事未定

以致上干

天和昭示譴告朕方致齋積誠祇告于

天地

宗廟

社稷凡事闢朕躬者痛自脩省爾兩京文武羣臣宜
同加脩省務在守法奉公勉脩職業以圖消復
其被災軍民之家各遣官巡視量行賑卹庶幾
天意可回用保我國家億萬年太平之祚欽哉故諭

嘉靖二年 月 日

皇帝勅諭天下文武衙門官員自古帝王臨御天下
必以敬

天勤民爲首務我國家

列聖相承率由是道朕嗣守鴻業深惟

祖宗付託之重臣民屬望之深夙夜兢兢不遑寧處
自踐祚之後

上天垂戒災沴疊見今年七月內南京應天及淮揚
等府俱有大風雨之變

陵寢震驚江水湧溢漂流房屋不下數萬間沒溺

男婦無慮數萬餘人死者屍積暴野生者流離
轉徙而江西湖廣廣東廣西等處亦有非常水
患內自脩省罔知所措意者敬

天勤民道有未盡永惟厥咎在予一人百姓何辜惟
此艱厄朕方齋心積誠祇告

天地

宗廟

社稷與爾内外文武羣臣同加脩省以回

天意尤念四方之遠民瘼甚多比年以來兵荒相繼

征調不息加之法度廢弛賞罰不明軍民受害
財力兩殫寬詔徒頒奉行未至官府之催徵不
已倉廩則所在空虛朝廷德意顧爲貪之騙
局小民脂膏祇供典守之侵盜上官以逢迎爲
能賊吏以科法相尚賢否舉劾多有不當刑獄
輕重多有不予閭閻之間疾苦萬狀念之痛心
言之感額今雖痛加釐革餘風或有未殄天地
至和之氣寧不爲之感傷爾天下軍衛有司衙
門官員職雖不同義均休戚宜各督所屬各慎

所司盡善因循積習之弊益勵廉慎小渝之節
各該撫按守巡等官俱要躬親巡歷宣諭朕意
被災人戶加意賑恤死而暴露者官與瘞埋生
而流徙者設法招復一應歲額錢糧與凡歲派
物料徵收必以其時出納必稽其弊已起解者
務濟公家之實用應蠲免者務見詔旨之實惠
獄訟勿令久禁聽斷勿致偏枉勿過刻以害良
善勿太寬以長姦惡贖罪紙米勿令折價入已
往來迎送勿得阿意勞民先年用兵經過及今

次災傷地方但有死於非命者除厲壇常祭外
各令所司另舉一祭祭文仍從該部降去各該
屬官中但有貪婪殘酷者具實奏黜誠心愛民
者雖雜流出身一體旌獎勿以奉承之能否爲
愛憎勿以一己之愛憎爲進退凡百行事務要
奉公守法期於消除民患培養國脉以稱朕敬
天勤民之意以延

宗社億萬年無疆之休爾等其欽承之故諭

嘉靖三十二年二月二十五日

勅諭文武衙門官員近來江北江南并湖廣等處水旱相仍地方饑饉人民相食所在盜賊成羣應天鳳陽并河南山東陝西等處元旦同時地震方雷電交作山崩地陷災變非常近日京城風霾蔽天春深雨澤愆期

上天示戒朕心警惕爾文武衙門官員各宜仰體朕懷同加脩省凡政務有未明刑賞有未當冤抑有未伸困窮有未恤與夫利所當興弊所當革俱要一一着實舉行事應奏請者其條具以聞

禮部仍行在外各處鎮巡及三司等官一體遵奉施行務期災沴消弭和氣感口以副朕軫念元元至意故諭

嘉靖二年三月三十日

皇帝勅諭中外文武羣臣朕嗣大歷服撫臨億兆仰惟

上天付托之重俯念小民屬望之切蚤夜孜孜圖新治理未嘗敢懈頃因風雷水溢之變已嘗勅諭中外臣工同加脩省

天未悔禍粵自去秋歷冬以至今春畿甸之內雨雪
愆期怪風屢作塵霾蔽天四方災異奏報頻仍
朕心甚懼深思

上天示戒之故豈用舍有失其宜者歟刑政有乖
理者歟下情未能上通而恩澤未能下究歟朕
痛脩省思以轉災爲祥惟爾京及南北直隸十
三布政司文武羣臣皆爲朕分理庶務有撫安
軍民之責宜各持廉秉公勉脩職業副朕憂勤
惕勵之意惟吏治之得失實民生之休戚所關

各該有司多有貪酷害人怠惰廢事者務須懲
究罷黜使羣臣知所警懼不可徇情曲庇惟斯
民之貧富實邦本之安危所係一應錢糧有奉
詔蠲除遇災減免者務須查勘開豁使窮民得
霑實惠不可虛應故事惟刑獄枉濫囚繫久淹
以致民心愁怨上干

天和各處囚犯除屢審情真者法難宥免其情可矜
疑事因註誤者在京遣司禮監南京守備太監
各一員會同法司在外鎮巡會同三司從公辯

問俱與從輕發落以後但有伸冤訴_是之人問
刑衙門俱要上緊歸結不可任意監禁致令無
辜死於桎梏惟盜賊所過兵革之餘間并蕭條
僵屍遍野尤可矜憐被劫者須加意存恤流移
者招撫復業量免糧差死亡者官與葬埋勿令
暴露至於京軍之服役頻繁邊軍之戰守勞苦
天下各衛所軍士之月糧久缺該管人員毋得
仍加剝削以傷其心朕深居九重_重於民情政體
豈能周知惟賴爾等輸忠竭誠同心匡輔凡利

所當興弊所當革者務臻實效毋事虛文庶幾
可盡敬

天勤民之道以保治於無窮爾等其欽承之故諭

萬曆十七年

勅戶科右給事中楊文舉曰直隸浙江係財賦重地
近該各撫按官奏報旱災異常小民饑困流離
失所朕心惻然已該部議發太僕寺馬價及南
京戶部銀各二十萬兩分給賑濟今特命爾前
去南直隸應天蘇松等府及浙江杭嘉湖三府

地方會同彼處撫按官查照被災輕重人戶多寡將前項銀兩通融分派仍慎選實心任事有司官員計口給賑務須放散如法使饑民各沾實惠不許任憑里書人等侵剋冒支其應徵應停及改折等項錢糧仍與撫按官備細查理逐一示諭小民無使姦猾吏胥及糧長土豪通同作弊各該承委官員悉聽爾會同撫按官嚴加稽考遵照上中下定格分別薦獎論劾儻有無知惡少乘機囂聚假名勸借公行搶奪甚至拒

捕傷人者爾卽會同撫按官遵照先次諭旨擒
拿首惡審實一面梟示一面具奏若府州縣官
有縱容隱匿者從叅奏勅內開載未盡事宜聽
爾斟酌奏請施行事完之日通將賑過州縣用
過銀兩數目造冊奏繳爾受茲委任尤當持法
奉公悉心經畫務使惠溥人安以副朕軫恤小
民至意如或遷延疎玩具文塞責罪有所歸爾
其欽哉故勅

荒政要覽卷之二

雲間俞汝爲輯錄

同郡李諫

皖城張斯盛訂正

奏議

言荒政不啻鑿鑿部屋猶多九閭之嘆厥故
伊何人主習見侈大左右厭聞災祲聳聽難
檢踏遽難周徧陳請未能先期中會難抵掌
不勝唏噓施行漫屬故事程實難嗟嗟當職

思懼痼瘼盡我一體也名臣條議動關石畫
任事者能以實心行之靡不効矣序奏議第

二

正統五年六月少師兵部尚書兼 華蓋殿大學士
楊士奇少保禮部尚書兼 武英殿大學士楊溥奏
言伏聞堯湯之世不免水旱之患而不聞堯湯之民
有困窮之難者蓋預有備也凡古聖賢立法必修預
備之政我

太祖高皇帝惓惓以生民爲心凡有預設而荒定制

洪武年間每縣於四境設立倉場出官鈔收穀儲貯其口又於近倉之處僉點大戶看守以備荒年賑貸官籍其數斂散皆有定規又於縣之各鄉相地所宜開濬陂塘及修築濱江近河損壞隄岸以備水旱耕農甚便皆萬世之利自洪武以後有司雜務日繁前項便民之事率無暇及該部雖有行移亦皆視爲文具是以一遇水旱饑荒民無所賴官無所措公私交窘只如去冬今春畿內郡縣艱難可見况聞今南方官倉儲穀十處九空甚者穀旣全無倉亦無存矣大

抵親民之官得人則百廢舉不得其人則百弊興此
固守令之責若養民之務風憲之臣皆所當問年來
因循亦不之及此事雖若可緩其實關係甚切

請復常平疏臣聞古無常豐之歲而民不患
於不給無他積之有預也夫民司命者官而恃以爲
命者穀穀不積民有衣寶玉而死者矣故預備之計
於民最急今江西所屬預備倉穀湖口縣不及一千
石彭澤縣不及六百石石城縣僅二千有奇泰和火
縣亦僅八千有奇其餘積蓄俱少臣竊憂之夫凶則

散豐則歛官府常規散則樂歛則怨人情六致
冒領適長市道齋并抵斗追還竟請里老之計公催
稍急則交扇互搖巧呈哀訴只得停止以致數縮于
官有出而無入約爽于民有借而無還出非原泉運
非鬼神伊何能繼今欲公私兩便惟有常平
已查得近例一里約積穀一千五百石江西
未槩論試以有司言之六十九縣總計一萬一百四
十五里穀以一里千石計之尚該一千一十四萬五
千石見在所積十未及一約少九百萬石每穀五石

作銀一兩該銀一百八十萬兩盡括司府庫藏不盡一十萬兩糴本羞澀力難求濟是外非重罰罪囚則勒勸大戶取彼與此仁者不爲況今法日以弊難開勸罰之門義日以衰難求輸助之戶若棄是不務則今年直小荒耳待哺嗷嗷聚羣搶穀南康起九江起饒州又起熄之而復炎痛之而無畏萬一六荒其無尤甚者乎是正謀國所當預處者也宋仁宗時嘗出內庫百萬緡以助糴本今日內庫臣未敢知若奉差吏典納銀之例又妨正體彼善之法冠帶尚義猶

可行耳伏望 聖明軫念江西爲控扼楚蜀閩廣擁
護 金陵要地人民凋瘵之餘 垂仁加卹 特勅
該部計議奏行布政司招納義民官一千名除問革
官吏外不拘本省別省客商軍民舍餘老疾監生廩
增附學吏典及子孫追榮父祖各聽納銀七十兩者
授正七品五十兩者正八品四十兩者正九品各散
官二十兩者冠帶榮身監生減十之三廩膳減十之
二陸續填給收完銀兩分俵各縣以資糴本各該冠
帶雖不免其差役亦用加之禮貌毋妄黥罰毋輕差

遣使絕陵輟樂於順從其不願冠帶願立表義牌坊者若出穀二百石亦容蓋豎不限不停以補官乏臣又見凡問口外爲民邊遠充軍囚或逃而不去或去而卽逃徒名治奸無益事實乞 勅法司計議除情重外如扛幫誣告強盜人命不實誣告十人以上因事忿爭執操兇器誤傷傷人勢豪不納錢糧原情稍輕不係巨惡叅審得過之家願納穀一千石七八百江六百石容其自贖免擬發遣其誣告負累平人致死律雖不摘情實猶重并窩藏強盜資引逃悉抗

拒官府不服拘捕本罪之外量其家道勸諭自五百石一百石以警刁豪俱由撫按叅詳無容司屬尋流臣仍與巡按督併二司專責守令於囚犯紙米并席追贓罰工價逐旋存積務取數足爲期不容分外科罰如縣一十里則積一萬石二十里則積二萬石糴本精選該縣行檢富戶量力領買上上六百石次四百石次三百石又次二百石不許市民公役冒領侵費專嚴收受名曰常平如秋成穀賤六石糴入春夏穀貴五石四斗糴出秋成五石糴入春夏四石五斗

羅出每石明扣一斗以備耗存積俱令社長社正開
報貧民每丁止買二錢以杜兼利前項銀兩當令前
該富戶給領秋成照價糴入穀貴依前糴循環如常
若穀賤年分不必發糴仍引查弘治十四年十五年
十六年三年放過饑民稻穀量追一半如借一石者
追五斗另覈收受審實極貧倍加賤糴如時一錢四
斗則與六斗果甚孤獨無歸委難自糴方與賑濟不
必追還若得過冒領問罪之外每穀一石罰穀十石
衛所常平亦依此法衛一萬石所二千石爲則各該

掌印有司考滿叅定殿最軍職管事酌取去留所貴
上下相資人法並任同心遠大之圖用復常平之以
臣再勸社民各立義倉與義學義塚例置名曰阜俗
三義盡一義者書一義之門二義三義稱是義倉之
畧社中富民任其出穀六百石或四百石別處一倉
極貧利一分次貧利二分春借秋還轉相賑助民樂
表異似亦有從若常平旣復社倉又行則饑饉有備
而地方可保無虞此預備至計子民至急而江西今
日尤爲急者伏惟 聖慈留意

見災預防後患疏昔宋蘓軾官杭州歲饑奏于其君
曰事豫則立不豫則廢救災恤患尤當在早災傷之
民救之于未饑則用物約而所及廣救之于已饑則
用物博而所及微臣切見今歲戶部兩次會官議賑
淮徐等處災傷是救之于已饑之餘用物博而所及
微矣然又有可預憂者古人云天災流行國家代有
向去之災如人初病繼來之災如病再發病勢雖同
氣力衰耗恐難支持今各處累歲災傷幸被 皇

大施拯卹民于百死中微有生意來年收穫知復何如軾謂當急救之于可救之前莫待救之于不可救之後者實前事之鑒也宋孝宗時朱熹論荒政曰蠲除賑貸固當汲汲于其始而撫存休養尤在謹之于其終譬如傷寒大病之人方得病時湯劑砭灸不可少緩而其既愈之後飲食起居所以將護節宣小失其宜則勞復之證百死一生尤不可不深畏今者饑民雖免死亡然皆鳥形鵠面蕭然無異于大病之新起若有司加惠撫綏寬其財力一二年間飭骸氣血

庶幾可復其舊若遂以旣愈而不復致其調攝但見其尚能耕墾田疇撐拄門戶而遽責以累年之逋召與夫倚閣之官物是人其必無全理矣熹之所論譬者賦之論也熹謂乾道間旱稅苗皆嘗恩宥而流殍甚衆久而不復盖次年帶納逼迫所致至淳熙初乃以游饑始蒙蠲放則三年之間所失已多而無及於事又明年之所當鑒者也臣敢通錄如前上勤 睿覽望詔在廷蚤加規畫臣聞漢宣帝時魏相因歲不登奏故事詔書二十餘事凡賈誼晁錯董仲舒等所

言皆條請行之唐宋諸臣因災進言於君多按前
故事我

祖宗側怛民隱之實德發于 詔令爲荒政者甚備
具載有司臣無容盡述惟願 皇帝陛下特勅該部
詳檢而速行之 敬天保民救災恤患之術蓋必有
在若稍增錡斟酌議論則前代故事見諸史冊亦極
詳悉臣敢亦採掇一二頗切于今日者竊附愚忠開
坐于後幸惟 陛下少垂采焉臣忝居議列上瀆
天聽無任惶恐激切屏營之至 一唐德宗時陸贄

奏曰聖人作則皆以天地爲本陰陽爲端慶賞者順陽之功行於春夏刑罰者法陰之氣用之秋冬事或愆時人必罹咎典籍垂誠言固不誣天人符同理當必應既有繫于舒慘是能致於災祥雖天所降沴不在郊畿然海內爲家無論遐邇願滌瑕以德消沴以和威惠之相濟合宜陰陽之運行自序臣惟今日賞多濫得罰失公平可用之財未歸藏府最彰之罪弗正典刑以月令推之愆時咎徵水旱並臻良有攸自貲所謂慶賞刑罰者惟聖明留意省新恩之常祿

可以哺困窮追巨罪之逋贓可以補租賦檢視臺諫
前後章疏一聽于公可消前戾 一宋太宗時王拱
偁奏曰一穀不收謂之饑五穀不收謂之饑饑則大
夫以下皆損其祿饑則盡無祿廩食而已旱雲未霑
宿麥未茁旣無積蓄民饑可憂望下詔直云君臣之
間政教有闕上自乘輿服御下至百官俸糧非宿衛
軍士邊廷將帥悉遞減之上荅天譴下厭人心俟雨
足復故雖朝行中家最貧俸最薄亦願首減俸以贖
耗蠹之咎但感人心必召和氣臣惟今日饑則淮南

江北等處爲甚饑則湖廣等布政司在處有之成化
間布政彭韶曾奏要將在京任外文武官員位祿厚
者額設皂隸遞減名數還官公用該部查例具奏多
寡次第已經斟酌彼時不爲災傷具有此議近日侍
郎吳廷舉又奏南京府部院等衙門直堂皂隸應合
退出若干賑濟次第明白深合昔人遞減之意四品
以上祿厚則家不可以言貧五品以下家貧則俸不
能以更積禹偁所謂上荅而下厭者惟 聖明留意
自四品以上悉遞減之文官五品及武官四品以下

聽其自審爲義無積不強在京在外官有因事加奉
添皂之資卽當裁割以備拯恤若夫 乘輿服御

官禁用度應體大禹克儉之德內帑何患無餘中貴
外戚百凡賞賚無論舊例際茲歉歲俱各省免候災
傷寧日通議定奪 一宋高宗時李光奏曰方今之

患莫甚於州縣之吏盖公廉多不容而賍貪或得倖
免百姓受弊不可勝言慶曆間歲旱范仲淹請遣使
者徃勞來之於是命仲淹爲江淮安撫今日荒旱民
多流徙願選公忠諒直之臣通民情曉吏治者以撫

爲名察郡縣貪苛之吏孝宗時趙汝愚奏曰講行荒
政全在得人任得其人則能每事隨宜措置不至乖
疏任非其人鮮不敗事守令之不堪倚仗者宜委諸
路監司體察監司之責在今尤須謹擇若旱傷分數
稍重路分必須選帥臣有才望者專一措置施行臣
惟今日所在有司得人甚少災傷地方復有貪苛之
吏民何以勝光等所謂撫按體察者惟 聖明留意
右都御史吳廷舉等通民情曉吏治責任斯在固當
追效古人伏望 勅旨叮嚀而督勸之使於當職人

員有賞格以待能幹有刑條以懲不職作新濟農之
倉大舉惠民之政則齊民獲免於饑餓饑民不至於
流徙流民不至於殍亡斯副 朝廷好生之德 一

宋高宗時廖剛奏曰昔晉饑民乞糴于秦秦伯以問
諸臣百里奚曰救災恤鄰道也行道有福鄭之子豹
在秦請伐之秦伯曰其若是惡其民何罪于是乎輸
晉之粟故後莫不以秦伯爲有德于晉而以晉之閉
糴爲負義夫秦晉敵國猶知通有無以拯其民孰謂
一統之內乃欲分彼此耶昨歲旱傷所在不收今舊

穀將沒民且艱食竊慮州縣官吏各私其民胡越相
視而不相恤則老弱有溝壑之患而壯者聚爲盜賊
在朝夕矣欲望申戒諸路監司使之檢察所部官吏
毋得遏糴庶幾通融周急國無饑民臣惟今日荒歉
相近地方有米願糴有錢願易商旅規利船裝車載
有司正當招誘以通有無而州縣官各私其民彼路
此郡有米去處遏不出境是豈臣子與國休戚之心
朝廷一視同仁之義哉臣訪知各處爲監司而遏
糴亦間有之剛所謂通融周急者惟 聖明留意勅

下該部行撫按官今後有災地方召入興販無災州縣遇有隣郡米客收買許依市價平糴糴係議務不得邀阻收稅則商旅皆願出于其途有無一這價值自減而饑民獲接濟矣 一宋孝宗時趙汝愚奏曰諸郡連歲旱傷流徙未定不可不厚有施惠以慰人情合將旱傷州縣人戶第四等第五等來年諸物課錢盡數蠲放使彼無聊之民蒙被德澤預知嗣歲青黃未接之際免其催徵自然人情稍安不至失所臣惟今日重災地方百姓艱食已多流徙若不早加安

慰彼戀土者亦將首鼠兩端逮春徂夏日月尚遙豐
凶之期豈能自定戶有負遺各懷憂畏寧無相率而
逃失業既衆羸弱者餓死溝壑強壯者聚爲盜賊盜
賊一起猝難討擒兵盜相尋邦國深禍汝愚所謂使
彼預知免催徵惟 聖明留意勅下該部行撫按官
于重災地方再行詢究分別等第先後奏 聞曠然
垂恩以示諭之徵催旣寬逃亡必少所在田畝不至
拋荒鄉農安心布種自救其饑萬一更罹薄災可以
不仰官司重爲拯卹而將來公家租賦亦免失陷矣

疏入

上云制祿養廉朝廷常典文武官俸勿減餘如議
嘉靖三年甲申南畿諸郡大旱翰林侍讀湛若水上
言臣以經術事 陛下嘗讀易至屯否二卦夫屯者
陰陽始交而難生君臣欲有爲而未遂此則 陛下
登極時然也否則陰陽隔而不通內外離而不孚
陛下自視今日於此卦何如夫屯而不濟必至于否
否而不濟則將來不可言者一二年間天變地震山
川崩湧人饑相食殆無虛日夫聖人不以屯否之時

緩親賢之訓明醫不以深痼之疾廢元氣之劑今元氣之劑親賢是也願以賢大臣爲之統領博求明先王之道者日侍文華講明聖學

上納之

嘉靖 年尚書席書奏急簡要以活饑民疏

臣竊見今歲南京地方夏秋旱澇相仍人民饑饉殊甚初賣牛畜繼鬻妻女老弱展轉少壯流移或縊死于家餓死於路父老皆言今非昔比各官已嘗具奏廷議已下賑恤但饑民甚多錢糧絕少以此數乏錢

谷茲欲按圖給濟如汲壺水以洒涸河徒有虛聲決
無實補爲今日計先須分別等第酌量緩急以地言
之江北鳳陽廬淮揚四府滁和二州爲甚江南應天
鎮江太平三府次之徽寧池安蕪常等府又次之此
地有三等難於一例處也以戶言之有絕爨枵腹垂
命旦夕者有貧難已甚可營一食得免溝壑者有秋
禾全無尚能舉貸者民有三等難於一槩施也今賑
恤兩畿宜先江北次及江南二等三等州縣可也賑
濟戶口宜先垂死次及可緩二等三等人民可也况

今江北地方前巡撫已去後巡撫未來受饑於本土者無可依恃流徙於江南者無爲撫存臣等袖手旁觀目視其死而已竊謂君厚祿以待臣臣宜代君以養民民出賦以給官官宜竭力以爲民今民有急難坐視莫救獨何忍哉臣日夜籌計今日有司倉庫旣無儲備戶部錢糧又難遍給考求荒政於古率多有碍於今惟作粥一法不須審戶不須防奸至間至要可以舉行時下可以救死目前今世俗皆謂作粥不可輕舉緣曾有聚于一城不知散布諸縣以致四遠

饑民聞風併集生者勢力難給死者堆積無計遂謂作粥之法不宜輕舉可痛可惜今計南畿相應作粥州縣江南宜於應天太平鎮江分布一十二縣江北擇急要者宜分布三十二縣總計四十三州縣大約大縣設粥十六處中縣減三之一小縣減十之五如臣賑粥事宜款目備行各該州縣設粥廠分約日並舉凡窮餓者不分本郡外省不分江南江北不分或軍或民不分男婦老幼一家三口五口但赴廠者一體給粥賑濟計自十一月中起至麥熟爲止四箇半

月爲率江南十二縣約用米五萬餘石江北三十州縣約用米十萬餘石其合用銀米江南應天等三府除見積銀谷并於原發淮浙鹽銀十萬兩內支五萬兩江北各府不知見積若干亦不知該部見發若干如未經發有銀兩乞早處發十三萬兩內支十萬兩通糴米作粥餘銀發散次貧人戶總計用米不過十六萬餘石計價銀不過十六萬餘兩可活二十萬餘人所用有數未至太糜所賑有等不至虛費法簡直而姦弊難作事平易而有司能守此法一行窮餓垂

死之人晨舉而午卽受惠三四舉而卽免死亡其效甚速其功甚大此古遺法非今創舉扶顛起敝拯災救溺未有先於此者未有急於此者竊謂此法非但宜于兩畿實可推於天下捨此而欲將今在銀兩審係貧民唱名支散飽者多或竊冒餓者率至潰亡死者仍死逝者仍逝求補尺寸萬萬決無能矣但賑濟專責事在巡撫今江北巡撫未至所幸應天等處賴巡撫尚書李以臣署管南京戶部曾與臣等計議臣謂今江南流聚太半江北之民民無南北皆

朝廷赤子今欲賑粥必如臣後擬合南北而兼濟之
此臣一念之愚也今論治者凡言制禮作樂然後起
人敬聽若曰作粥活民率厭聞也然衣食足而後禮
樂可興今使民饑而死雖日講射祭冠昏日奏咸英
韶濩何補於治哉臣爲此議非徒人笑其癡臣亦自
知其鄙雖然此不得已爲此下下策也必欲治平有
具水旱無虞惟在

天子公卿上下一於恭儉節浮費裁冗食損上益下
重司農飭守令廣儲蓄遇有凶荒開倉發賑茲堯舜

三王之仁政也區區賑粥活民豈經世久長之計哉
臣竊痛目前已死者不可復救未死者尚有可爲如
蒙伏望

皇上軫念民生乞勅戶部再加議處速賜施行江南
江北懸命待盡之民得更生矣爲此謹將簡要賑粥
活民事宜條具款目裝演成帙具本專差辨事官陳
敬齋捧隨進以聞伏候

勅旨

嘉靖五年丙戌十二月

上以災異論臣工修省大學士楊一清上言臣觀災
異屢見叠出豈惟近世未聞抑亦載籍罕有稽諸傳
紀考其證驗皆陰盛陽衰所致伏願 陛下總攬乾
綱以防欺蔽延訪大臣以資輔益覽諸司之奏章辨
臣下之忠佞仍戒飭諸司凡朝廷政事之缺失天下
生民之利病以至遺賢之未盡甄舉忠貞之未盡收
錄讒慝之未盡殄除幽滯之未盡昭雪明白開陳悉
心敷對 陛下廓納善如流之量弘改過不吝之勇
大要以恤民固本爲主民心悅則天道和此老臣垂

盡之年感恩圖報之愚悃也

上勅諭嘉納一清復條陳修省事宜一祭告以竭修省之誠一寬恤以宣修省之澤一用人以資修省之益一革弊以祛修省之害疏入

上曰事關朕躬自有處置餘付所司降勅頒行

福建福州知府汪文盛旱災疏臣竊嘗聞古之牧民者務在四時守在倉廩天不生財地不出寶則田野荒蕪田野荒蕪則倉廩不盈倉廩不盈則民乃草菅將捐其地而走矣臣又問能積於不涸之倉藏於不

竭之府者可禦水旱之未當患而爲之備旣災而爲之捍者可免流離之苦天災流行國家代有救災卹民古之道也臣謬以疎庸之才謚叨牧民之寄蒞郡以來勉思報補夙夜兢惕未知所云爲照福州府地方所屬十縣濱依山海崖谷多而膏腴之壤狹陂渠少而灌漑之備踈居理無甚裕之家蓋藏有幾隣粟無可通之路轉販尤難故於歲事之盈虧尤切民之利害前年以來陰鬱尤甚雨水過多田地崩陷種獲不廣所產枝圓果木根苦久浸枝幹拆拔于颶風子

實垂結而殞落瓜菜殲芋虛名無補蕎麥麻豆鹹地
匪宜嘉靖五年春正月至於夏四月連雨日夜不止
平疇蕩爲巨浸者浹旬禾苗坐見湮沒者過半五月
中旬以下當有兵荒之象也海之爲言晦也濁黑而
晦乃其常性今清固反常赤又難委於吉矣山體本
靜旂鼓宜偃什今乃飛鳴是不靜而攝動者之職於
法爲賊也井泉竭地道泄也夏無蟬鳴濕不能化跼
翼也土不反宅蛙蚓結也天告於上地告於下物告
於中人有訛言野有諱語稽諸數端恐不但旱荒而

已揆厥所由匪降自天皆由臣不職不能慎身奉法
平政召和以延民命徒爲民之牧食民之粟飲民之
水以致上天降罰不於罪身反耗數下土一郡之田
盡受赤裂詩云泉之竭矣不云自中言禍亂有所由
起也今臣待罪福州已及三年食不止福民數升之
粟飲不止福民數杯之水爲民不利上干天和重傷
國本如此則夫旱災之來其由臣身也必矣臣之罪
惡通於天矣且各處倉庫空虛一時區畫無術日在
憂思如坐炎火雖分焦軀無益矣臣又聞古者三年

耕有一年之積九年耕有三年之積閩版籍繁而食地淺爲者寡而用者多上農之夫中豐之歲公私並用已有不及在昔如此況於今日乎小民廢於生穀半失轉輸之利腴田苦於兼併不知儲峙之法故一旦饑饉萬目睽睽衆口嗷嗷奔走告急乃其真情昔管仲曰粟行於五百里則衆有饑色其稼亡三之一者命曰小凶小凶三年而大凶大凶則衆有遁去在昔如此又況於閩民今歲之旱乎將來之勢意外之患可以逆見臣所以不敢避斧鉞之誅而上瀆

聖明之聽也伏望

皇上軫念邊陲哀其困苦視萬民如密邇四方如邦
畿乞 勅戶部從長議處將該年稅糧蠲免轉行鎮
巡等官多方設法處置穀米以備賑濟料理邊防用
戒不虞仍乞 勅工禮二部將各年未完并半年坐
派暫且停止俟有收之年帶徵古人云所費者財用
所收者人心是大有望於 今日也竊又念臣牧郡
旣已無狀腴頰就列心甚不安乞將臣早賜罷黜以
消天譴以謝人怨別選賢能官員前來拊循彫瘵之

民舉行救荒之政則下民幸甚地方幸甚

嘉靖八年己丑廣東僉事林希元上救荒叢言言救
荒有二難曰得人難審戶難有三便曰極貧之民便
賑米次貧之民便賑錢稍貧之民便賑錢有六急曰
垂死貧民急饘粥疾病貧民急醫藥病起貧民急湯
米既死貧民急墓瘞遺棄小兒急收養輕重繫囚急
寬恤有三權曰借官錢以糶糴與工作以助賑貸牛
種以通變有六禁曰禁侵漁禁攘盜禁遏糶禁抑價
禁宰牛禁度僧有三戒曰戒遲緩戒拘文戒遣使其

綱有六其目二十有三皆叅酌古法體悉民情
上嘉之

嘉靖八年己丑六月山西大饑連歲凶歉餓莩載道
叅政王尚綱上救荒八議一曰愍饑饉乞遣使行部
問民疾苦二曰恤暴露乞有司祭瘞消釋厲氣三曰
救貧民乞支散庾積秋成補還四曰停徵歛乞截日
住徵以俟豐年五曰信告令乞勸分菽粟六曰推糴
買乞令無閉遏七曰謹預備乞申舊例措處積貯勿
使庾廩空虛八曰卹流亡乞所過州縣加意存卹勿

使羣聚思亂

上命戶部覆議行之

兵部尚書唐龍賑濟疏臣照得西安鳳翔等府所屬耀州等州三原等縣嘉靖十年分夏麥全熟秋禾又歉人民饑餓轉相嗷嗷待斃仰塵 聖慮深惕靡寧發太倉銀三十萬兩特差臣前來賑濟夙夜皇皇體悉奉行不敢不至其任人立法審戶給銀各事宜已經會議施行及具 奏外切念饑餓貧民如在水火之中必多方救之庶可全活臣又逃稽古典中酌政

罷下寃民情旁採衆論裁定訓平糴蠲官逋寬私債
節用度撫迯移審屯寨恤老羸收遺棄賑粥糜給醫
藥瘞道殣戒浮費停勾攝禁閉糴重祈禱凡十五條
俱已遵奉 勅諭便宜處置事理布行司府州縣示
之以法守申之以訓言俾各分條詳實有實舉行共
濟民艱用廣 德意但其間平糴減價五百石以上
收養遺棄子女二十口以上者擬給冠帶 等身減價
二千以上者又擬表爲義門是則非臣之所敢專者
例該奏 請伏望

皇上俯念救災恤民難拘常例勸義勵俗合用殊格
乞 勅該部查議覆奏特 賜俞允俾臣得以遵奉
施行地方幸甚等因奏奉 聖旨該衙門便看了來
說欽此該戶部議得救災恤民難拘常格今欲勸民
有粟之家減價糴賣收養遺棄子女請給紅帶榮身
表爲義門所爲激勵人心具見本官上體

皇上一念愛民之仁下全赤子百死一生之命濟困
扶危委曲周至誠爲良策相應依擬合候 命下本
部移咨總制陝西三邊軍務管理賑濟兵部尚書唐

龍將後開條陳事宜通行所屬各該掌印官員逐一
查實舉行如有富室義民將所積粟糧每石減價一
錢糴至五百石以上者或能收養遺棄子女二十口
以上者俱給與冠帶榮身至二千石以上者奏請
表爲義門有司以禮相待謹具題奉 聖旨是救荒
事宜都依擬便着唐龍通行所屬着實舉行

計開

訓平糴 貧富相周有無相濟此隣里之義也今被
災饑民 朝廷給銀賑濟已有更生之望矣各州縣

官員務要善言戒諭富室將所積粟麥先扣本家食用數足其有餘者照依時價糶與饑民以救其死若每石肯減價一錢尤見尚義減價百石以上者官犒以羊酒給尚義大字一幅二百石以上者加紗一疋三百石上者加段一疋羊酒大字俱如前給五百石上者臣具奏給與冠帶榮身二千石以上者奏請表爲義門不願減價官勿以強但訓行平糶之法若有擅富要利坐視民饑不與平糶者是爲姦民之首里老舉呈饑民告發官發銀兩儘糶運上倉仍問

重罪不貸 蠲官逋 饑民未納賦役官錢俱各停
免若里老人等指稱飛久奪取賑濟銀兩者許饑民
鳴告將里老解赴臣處從重問罪 寬私債饑民得
銀止勾延喘而已若富豪恃強拒還賑濟銀兩以償
私債者饑民鳴告將恃強之徒用八十斤枷號
從重問罪仍加倍追給銀補饑民凡民間私債俱候
年豐漸以理還 節用度 貧民給銀有限縣官切
戒之務令各節省度命但日得粥糜四五盃聊以延
喘足矣毋使買酒買肉一時費盡以致來日不繼饑

餓而死悔將何及 撫迯移 民之於二就鳥之於
木荒歲迯移豈其得已凡我良有司遇諸被災人民
迯出外境者務曲意招集俾各復業倍與賑濟銀兩
所缺牛種俱官給之官不能給須勸借於有力之家
借種一石收後令還一石一斗借牛工二口令還人
工二日若他處有迯來我土者亦要一體恤安插
得所俱是 朝廷赤子若令彼此大非仁人君子之
道仍將招撫過復業人戶姓名數目呈報查考 審
屯寨 軍民一體各該災重州縣多坐有西安等衛

及鳳翔千戶所屯寨其間軍餘極貧次貧丁口從公
查審一同百姓賑濟 恤老羸隆冬時月老羸之人
尤不耐寒饑民內年七十以上者州縣官添給帑一
疋就動支庫內無碍銀兩收買仍具動支銀兩數目
及給過姓名呈報查考 收遺棄 凶荒之年多有
遺棄子女州縣官務要設法收養俟歲熟訪而還之
母令失所若民家能收養四五口者犒以羊酒給尚
義大字一幅八九口者加紗一疋十口以上者加段
一疋羊酒大字俱如前給二十口以上者臣具 奏

給與冠帶榮身

賑粥糜

富粥青州救荒專主煮

粥而今主於給銀民皆稱便但乞丐之人困踣道路
哀哀無所之時非粥不能全活州縣官各於養濟院
設一粥廠支預備倉糧選委二三殷實老人輪日煮
粥以給乞丐就食者朝暮各一次至來熟而止具支
過預備倉糧數目回報查考 給醫藥 饑餓之後
病疾乘之州縣官量支無_誤官銀收買藥物標給善
醫者分鄉設局榜示疾病之人聽其取療不許勒索
藥錢用過藥物尤要稽考毋令剋落 瘞道殣 掩

骸埋瘞仁政所先州縣官嚴飭地方人等凡遇道路
及城郭田野與溝壑遺有餓殍屍軀即便登時掩埋
無致暴露殘毀以傷和氣違者官以虐戾罷黜不貸
戒浮費官司用度皆取之里甲里甲之中饑民居
多自後官司務宜節省用度凡無名酒席與支應饋
送及一切浮費俱一一停罷則里甲不至靠頂而饑
民亦得以濟矣 停勾攝 勾攝最爲擾民災傷之
時尤非所宜卽詞訟除強盜人命外其餘戶婚田產
及一切小事俱暫停受理免得差人下鄉騷擾以重

民之殃禁閉糴 山西河南湖廣三省原奉 勅諭

俱許臣兼制已經奏行各布政司轉行各該守巡道
及該府州縣遇有陝西人民往彼處糴買米麥及彼
處之人搬運米麥前來陝西糴賣者俱不許恃強之
徒還閉攔截致令饑民艱食用妨 朝廷德意救災
恤憐之道固如此爾敢有違犯者許赴所在官司具
告卽爲轉呈臣處以憑從重叅究提問不貸 重祈
禱 旱乾水溢交修乎人而崇禱於天荒政之大者
卽今旱熯復熾麥苗已種者十之三四未種者十之

六七而況已種者復有枯槁之漸可畏也已爲民父母何以爲心州縣官各務省滌愆尤修明政事及汛
紫壇場竭誠祈禱務期雨暘霑足庶几已種之麥苗
可活其有未種者亦可補種豌豆大麥等項民其有
瘠矣

嘉靖二十年五月十二日給事中李鳳來因變陳言
以實修省以圖聖治內開水利之說關於民者甚大
水利通則漑洩有備雖大旱大澇終免赤地漂沒之
苦否則灌匯無所禾苗無救而饑饉薦臻矣以故我

國家軫念民瘼於臬司既設水利官一員以總管之於府州縣又設水利官一員以分理之其良法美意至精至備矣夫受是職者宜夙夜勤勞循行阡陌以盡厥職以惠斯民以仰體我

皇上愛民之意可也近來以此官爲冷淡無利或息偃公衙虛糜廩祿或營利則委以規賄賂其溝洫之通塞畧不介意一遇水旱束手無策坐視民斃而已有臣如此將焉用之此切於民瘼而爲今日之急務者也伏望

皇上擴天地之大德重天下之根本乞 勅工部轉
行各該撫按衙門嚴加禁治凡屬水利官員務要及
時講求多方濬築務俾溝洫相通旱澇有備不得另
行差委以分其力若有營求別委規圖賄賂者追贓
罷黜毋得輕縱如此庶官盡其職而民受其惠矣願
陛下留意焉

嘉靖三十二年癸丑冬十月直隸河南山東大水吏
部侍郎程文德上言水災異常言官屢奏持議未見
歸一臣以今日內帑不必發大臣不必往夫救荒莫

便乎近莫不便乎拘宜各遣行人齎詔宣諭令各州縣自爲賑給聽其便宜處置凡官帑公廩贖納勸借苟可濟民一不限制又近日戶部申明開納事例亦許就本地土納卽粟麥黍菽凡可救饑者得輸官計直請劄授官仍登計全活之數定爲等則以憑黜陟卽撫按守巡賢否亦以是稽之得旨下部行之弘治十四年吳巖饑饉頻仍興水利以充國賦疏竊惟國家財賦多出於東南而東南財賦皆資於水利蓋水利不興則田疇不治五穀不登倉廩不實

而國用不足矣其所關係誠非細故司民牧者豈可不加之意乎是故古之治水也以四海爲壑而盡力乎溝洫宋元以來諸儒以開江置閘治田爲東南第一義有由然矣夫何近年以來東南地方川澤浸盈湖水泛溢加以夏秋霖雨決旬山水橫溢致將田疇渰沒廬舍漂淪以稻梁之域爲魚鼈之區諸郡之民流離困苦殆不可勝言矣且饑饉頻仍虧損國課公私匱乏未有甚于此時者也揆厥所由蓋以下流淤塞園岸傾頽疏導不得其法董治不得其所

致耳

臣

等備員該科於地方水利嘗悉心推究互相

講求得其梗槩謹將東南水利之切要者四事曰疏

濬下流曰修築圍岸曰經度財力曰隆重職任開坐

上陳伏望

皇上軫念東南爲賦財所出之地墊

溺頻仍之苦

勅下該部會同多官將等所奏

開坐前件一一斟酌議處施行豈惟

臣

等幸甚一疏

濬下流

臣

嘗考之淞西諸郡蘇松最居下流太湖綿

亘數百餘里受納天曰諸山谿澗之水由三江以入

於海是太湖者諸郡之水所涵而三江又太湖之所

洪也禹貢所謂三江旣入震澤底定是已若下流淤
湮衆水泛溢渰沒禾稻爲害匪輕爲今之計要在隨
其源委相其利害酌量便守爲之區處如白茅港七
浦塘劉家河此蘇州東北洩水之大川如吳淞江大
黃浦此蘇松南北交境與松江南境洩水之大川而
吳淞之南北與白茅諸港又各有支渠引上流諸水
以歸於其中而並入於海此所謂源委者也就其中
論之蘇州之七浦塘劉家河松江之大黃浦並皆深
濶通利無阻惟白茅一港自弘治七年疏濬之後今

二十五六年吳淞一江自天順間疏濬之後今六十有餘年聞之白茅入海之處潮沙壅積勢若丘阜吳淞雖名一江僅如溝洫潮回水落雖舟楫亦艱於行其旁渠港亦多湮塞下流旣壅上流曷歸加以霖霖能不泛溢此其利害之可見者也今能濬白茅一港使之通利如七浦劉家河則蘇州東北之水有所歸而不積矣濬吳淞一江使之通利如大黃浦則吳淞南北兩界之水有所歸而不積矣蘇松之水旣各有所歸則引汲上源太湖之水不致壅溢而向來沮洳

滄浸之土皆出而可耕矣如此水患消弭田無滄沒
於民實便一修築圍岸上嘗考之浙西之田高下不
等隨其多寡各自成圍遠近相望吳越以來素稱膏
腴宋儒范仲淹嘗論於朝曰江南圍田中有渠外有
門閘旱則開閘引江水之利澇則閉閘拒江水之害
旱澇不及爲農美利雖然圍田全仗乎岸塍岸塍常
利於修築修築堅完旱澇有備否則反是臣願自今
以後每歲於農隙之時治農府州縣官督令田主佃
戶各將圍田取土修築水漲則專增其裏水涸則仍

築其外務令高濶堅固可通往來隨其旱澇而車馬
出入如此先事有備而田皆成熟矣

弘治十一年科臣葉紳請賑濟治水以防火荒疏

竊惟直隸之蘇松常浙江之杭嘉湖約其土地雖無
一省之多計其賦稅實當天下一半況他郡所輸猶
多雜賦六郡所出純爲粳稻郊廟之棗盆在此
內府之珍膳在此百僚之餼給六軍之糧餉亦在此
至于京師士庶以億萬計亦皆待飽于給餉之餘
是六郡之賦稅誠國家之基本生民之命脉不可

一日而不經理也若水道不通爲六郡農田之害所
係亦重矣夫天目諸山之水潴爲太湖而六郡環乎
其外太湖之水又由江河以入于海聞昔人于溧陽
則爲堰壩以遏其衝於常州則穿港瀆以分其勢于
蘇松則開江河以導其流惟是入海之處潮汐往來
易爲湮塞故前代或置開江之卒或置撩濬之夫以
時浚治僅免水患歷歲旣久其法廢弛遂致諸湖巨
浸壅遏于中江河故道淤漲於外土民利其膏腴或
堰而爲田築而爲圃是以渰沒田疇漂淪廬舍固其

所也方弘治四年一澇迨五年澇今歲大水視昔尤甚人民困苦流離不可勝言卽今撫按等官相繼論奏伏念

聖明思念東南大害于廷臣等選差

有才力通曉水利者一二負授以節鉞重以委任前會同撫按講求民瘼設法賑恤軍需之可信者停之逋負之可蠲者蠲之俟民困稍甦然後指定地方分投相視何地爲山水入湖之衝何港爲太湖入海之道自源徂流一一講究相與度其經費量其事期然後大加浚治使下流得以宣洩然當此饑饉之際欲

與大役若非任事者處之得其道則民力不堪不能
不重困也

成化年戶部尚書夏原正奏治蘇松水利疏

上以蘇松水患爲憂命

臣

特任疏治八月遣都御史

俞吉齋

水利身以賜

原吉講究拯治之法但

臣

奉

職不稱重貽

宵旰之憂夙夜驚惕惟勤咨訪欽承

聖諭愧感交集

臣

與共事官屬及諳曉水利者叅

考輿論頗得梗槩蓋浙西諸郡蘇松最居下流太湖
綿亘數百里受納杭湖宣歙諸州溪澗之水散注澱

山等湖以入三江頃爲浦港湮塞匯流漲溢傷害苗稼拯治之法要在浚滌吳淞江諸浦導其壅塞以入于海但吳淞江延袤二百五十餘里廣一百五十餘丈西接太湖東通大海前代屢浚屢塞不能經久自下江長橋至夏駕浦約一百二十餘里雖云通流多有狹淺之處自夏駕浦抵上海縣南滄浦口一百三十餘里湖沙漸漲已成平地欲卽開浚工費浩大且濫沙游泥浮泛動輒難_臣以施工等相視得劉家港卽古婁江徑通大海常熟之白茅港徑入大江皆係

大川水流迅急宜浚吳淞江南北兩岸安亭等浦港以引太湖諸水入劉豸白茅二港便直注江海又松江大黃浦乃通吳淞江要道今下流壅遏難流傍有范家浜至南澹浦口可徑通海宜浚令深濶上接大黃浦以達泖湖之水此卽禹貢三江入海之迹每年水涸之時修築圩岸以禦暴流如此則事功可成於民爲便也

弘治八年都御史徐晉治東南水患工完未報跡
臣等竊惟東南地勢低下水患自古有之永樂初元

水復漲溢

太宗文皇帝命戶部尚書夏原吉大

加疏治方得止息逮今九十餘年各處港浦仍復湮

塞爲患滋甚仰惟

皇上軫念地方今

臣等會同

修濬蓋將拯墊溺之民於衽席之上化魚鼈之區爲

稻粱之域

臣

等敢不罄竭駑鈍以圖仰副

聖意

用是夙夜不遑寧處相度施工竊見嘉湖常鎮水之

上流蘇松水之下流上流不浚無以開其源下流不

浚無以導其歸於是督同委官人等將蘇州府吳江

長橋一帶茭蘆之地疏浚深濶導引太湖之水散入

澱山陽城昆承等湖又開吳淞江并大石起屯等浦
洩澱山湖水由吳淞江以達于海開白茅港并白魚
洪鮎魚口等處洩昆承湖水以注于江又開七浦鹽
鐵等塘洩陽城湖水以達于海下流疏通不復壅塞
開湖水之漫涇洩天目諸山之水自西南入於太湖
開常州之百瀆洩荆溪之水自西北入于太湖又開
各斗門以洩運河之水由江陰以入江上流疏通不
復湮滯自弘治七年十一月十七日興工至八年二
月十五日畢幸而一向天氣晴和人無疫癘凡百衆

庶爭先效勞卽今水患消弭人無墊溺之憂田有豐稔之望列郡士民莫不慶忭是非臣等之能皆

皇上盛德大福廣被東南之所致也今將修浚過港瀆畫圖貼說謹具奏

聞

嘉靖二十年呂光洵修水利以保時賦重地疏
今天下大計在西北莫重於軍旅在東南莫重於財
賦而蘇松等府地方不過以百里歲計其財賦所入
乃略當天下三分之一由其地阻江湖民得擅水之
利而修耕稼之業故也近歲水路漸湮有司者既不

以時奏聞而民間又不肯自出其力隨處修治遂至其大壞而渚泄之注皆失其常自嘉靖十八年以來頻遭水患而去年尤劇今年又值旱災其始高阜槁枯至七八月間河浦絕流雖素稱沃壤之田皆荒落不治而耕稼之民困餓流離無以爲命伏望

皇上憐其疾苦詔蠲常稅數十萬石又令祁縣發廩以賑之恩澤甚厚田野父老莫不感激泣下然困者未甦饑者未飽而公私儲蓄已告空竭矣萬一來歲雨暘少愆其候民復告饑又將何以繼之此臣之

所以私憂而過計也

臣

聞善治病者必攻其本善救

患者必探其源水利之興廢乃吳民利病之源也蠲

賑優矣而水利不修是猶治病者專療其標而不攻

其本未有能生者也

臣

愚以爲莫若兩利而並舉之

此標本兼治之方也

臣

嘗巡歷各該地方和視高下

詢問父老頗得其說輒敢條爲五事仰俟

聖明

裁擇一曰廣疏濬以備蓄決二曰修圩岸以固橫流

三曰復板閘以防淤澱四曰量緩急以處工費五曰

專委任以責成功何謂廣疏濬以備淤澱蓋三吳之

地古稱澤國其西南翕受太湖陽城諸水形勢九卑而東北際海岡隴之地視西南特高八抵高者其田常苦旱卑者其田常苦澇昔人治之高下曲盡其制既於下流之地疏爲塘浦導諸河之水由北以入於江由東以入於海而又畝引江潮流行於岡隴之外是以渚洩有法而水旱皆不爲患近年以來縱浦橫塘多湮塞不治惟二江頗通一曰黃浦二曰劉家河然太湖諸水源多而勢盛二江不足以洩之而岡隴支河又多壅絕無以資灌溉於是上下俱病而歲常

告災臣據各府所報河浦湮塞之處在下流者以百計而其大者六七所在上流者亦以百計而其大者十餘所治之之法當自要害者始宜先治澱山等處一帶凌蘆之地導引太湖之水散入陽城昆承三泖等湖又開吳淞江并大石趙屯等浦洩澱山之水以達于海濬白泖港并鮎魚口等處洩昆承之水以達于江開七浦鹽鐵等塘洩陽城之水以達于江又導田間之水悉入于小浦小浦之水悉入于大浦使流者皆有所歸而渚皆有所洩則下流之地治而滂無

所憂矣乃濬臧村等港以溉金壇濬溧洪等河以溉
武進濬艾祁通波以溉青浦濬顧浦六塘以溉嘉定
濬大瓦等浦以溉崑山之東濬許浦等塘以溉常熟
之北凡岡隴支河湮塞不治者皆濬之深廣使復其
舊則上流之地亦治而旱無所憂矣此三吳水利之
大經也何謂修圩岸以固橫流蓋四府最居東南下
流而蘇松又居常鎮下流其水易渚而難洩雖導河
濬浦引注于江海而每遇秋淋泛漲風濤相薄則河
浦之水逆行田間衝溢爲患宋轉運使王純臣嘗令

蘇湖作田塍禦水民甚便之而司農丞郊亶亦云治河以治田爲本其說多可採行臣嘗詢問故老以爲二三十年以前民間足食無事歲時得因其餘力營治圩岸而田益完美近年空乏勤苦救死不贍不暇修繕故田圩漸壞而歲多水災是吳下之田以圩岸爲存亡也失今不治則坍沒日甚而農桑日蹙矣宜令民間如往年故事每歲隙各出其力以治圩岸圩岸高則田自固雖有霖潦不能爲害且足以制諸湖之水不得漫行而咸歸於河浦則河漕之水自高

於江江之水自高於海不待決洩自然而下而岡隴
之地亦因江水稍高又得畝引以資灌溉不但利
於低田而已何謂復版閘以防淤澱河浦之水皆自
平原流入江海水漫而潮急沙隨浪湧其勢易淤不
數年卽菹茹成陸歲修之則不勝其費昔人權其便
宜去江海十餘里或七八里夾流而爲閘平時隨潮
啓閉以禦淤沙歲旱則閉而不啓以蓄其流歲澇則
啓而不閉以宣其溢志稱置閘有三利蓋謂此也而
宋臣鄭僑亦云錢氏循漢唐遺事自松江而東至于

海又導海而北至于楊子江又沿江而西至于江陰
界一河一浦大者皆有閘小者皆有堰臣按郡志蓋
與僑之言頗合然多湮廢唯常熟縣福山閘尚存正
德間巡按御史謝琛議復吳塘等閘而不果卽今金
壇縣議復莊家閘江陰縣議復桃花閘嘉定縣議於
橫瀝練塘等處各置閘如舊臣訪諸故老皆以爲便
以是推之凡河浦入海之地皆宜置閘然後可以久
而不壅蓋不獨數處爲然也何謂量緩急以處工費
夫經略得宜則事且集施爲有漸則民不煩往歲凡

有興作皆併役於一時是以功未成而財食告匱爲
今之計宜令所在有司核勘某水利害大某水利害
小某水最急某水差緩其最大而急者則今歲修之
次者明年修之次者又明年修之則興作有序民不
知勞而其工費之資亦可以先時而集矣但方今歲
時荒歉公私俱絀既不可加斂於民而內帑又不
敢望乞將見年未完錢糧係糧解大戶侵欺者督令
有司設法清追數十餘萬兩存畱在官略倣宋臣范
仲淹以官糧募饑民修水利之法行令有司查審應

賑人數籍其老病無力者爲一等壯健有力者爲一等無力者日給米一升聽其自便有力者日給米三升就令開濬通將前項官銀及賑濟錢糧一體通融給散各另造冊查考則官不徒費民不徒勞所謂一舉而兩利者也以後年分每於冬月募民興作至次年二月而罷其費用皆取於侵欺不足則繼之以贖大約三四年而止通計所費不過三四萬而水利大治矣夫計利害者必權輕重四府所入歲不下幾百萬而今年一遇火傷放免者卽三四萬地日荒

亾逋負不能追徵者又不知幾十萬以沉湎之費准其凶荒陰耗之實其孰得孰失孰多孰寡不待校而知也

萬曆十六年議發賑疏福建道監察御史張天德一本謹題爲目擊東南十分饑困酌議發賑銀兩頒賑事宜以拯民生以安衆志事竊謂國家之治否係於民心而民心之去留由於穀食苟食之不足則父子兄弟且不能相保矣安望其守死而不去耶不惟不能相保而且自相戕食矣安望其畏法而不叛耶

今以天下大勢論之則頻年水旱相仍穀價騰騰
下無不荒之土南北無不饑之民矣然以天下緩急
論之則自淮而北雨水及時夏麥僅熟而向者饑餒
之民今冀有生之望矣但自淮揚以南如南直隸則
應太池寧蘇松常等府浙江則杭嘉湖寧紹金衢嚴
等府或被江海之嘯蕩而山裂土崩或被蛟蟒之奔
騰而沉溺昏墊兼之淫雨經年四望一壑不惟秋收
粒米之無望更兼云桑菜麥之無資不價每石一兩
六錢市物白晝公然搶奪被害不敢申訴有司莫可

誰何以此洶洶不靖之民誠有朝不謀夕之勢若不
速爲酌處善爲調停則窮迫無聊之民以易興鼓譟嘯
聚之念卽今湖盜竊發是其一驗也蒞茲土者欲出
官帑以賑濟則庫藏無餘錢欲勸民間以樂輸則人
情難強逼以致束手無策坐成莫大之患故巡按御
史傳好禮之請留一萬漕糧應天府府尹張價之請
借二萬五千納餒此皆親覩危急之狀以爲收拾人
心之舉非曰好事擅專要譽求德於民者也然思
國家之財賦不在於國則在於民人臣之理財不聚

於上則裕於下若以國家額派之錢糧而皆議停徵
焉借賑焉竊恐軍國所需關係匪細而烏敢以輕
議爲也若以錢糧措處之艱難而視饑窘如秦越焉
若罔聞焉竊恐民窮則變流禍匪輕而又安可以隱
忍爲也臣以一介草茅荷蒙

皇上拔之言責之司正圖捐糜此身思報萬一者況
目擊嗷嗷待哺之小民旣無可動之錢糧而徒致文
移之展轉耳聞泄泄慢事之有司又無及民之實惠
而甘爲積猾之階涕一念憤激於衷固所不容於自

默者敢先以錢糧之堪動者爲我

皇上陳次以賑濟之切要者爲我

皇上獻伏乞 勅下該部速爲議行則無俟蠲正額

以濟民而民藉餘稅以存活矣不致蹈積弊以冒破

而民沾實惠以延生矣其爲體 國裕民賑荒息亂

之計莫急於此者伏望

皇上採納施行天下幸甚災民幸甚一酌議堪動商
稅以爲賑濟之策夫錢糧原屬起運者固不可免而
原屬存留者亦不可缺是秋糧夏稅之中無一可議

者彰彰明矣臣意以每年所餘之銀其在無關者終
爲應太池寧等府賑濟之資許墅關者發爲蘇松常
鎮等府賑濟之資杭州兩關者發爲浙江各府賑濟
之資此不過以商賈之餘財拯蒼生之急困因抽分
之駐劄賑隣近之小民其勢爲甚便而其理爲甚宜
者若不蠲此虛貯之餘稅以挽回岌岌將去之人心
臣恐潢池弄兵一呼嚮應則不惟塗炭生靈損我威
重且調兵遣將之費修城疊壘之用必致厯
聖裘取足 內帑何不割此贅疣返爲濟濟消於

未形之際收拾於不發之時縱計數萬亦在

皇上爲不費之惠而在小民獲更生之資當見人心
愛戴在在歡騰將懷順効思之不服也孰敢有潛萌
不軌而甘爲化外之頑民哉伏乞 聖裁一酌議賑
濟實惠以爲撫恤計夫賑濟之策固必假錢糧以充
給散尤必溥實惠以及貧民今之行賑者皆責令保
甲人等開報應賑人數此輩假公委以濟私情冒官
物以充已橐此正啟弊容奸之大竇也合無令各掌
印官卑騎親歷各鄉村就一鄉村之中擇一二家道

頗殷素有行誼爲鄉人推信者諭以 朝廷軫恤至
意就令富衆開報極貧應濟人戶從實註名其他公
門人役市井棍徒及傭作甕夫稍可自給者不得濫
與其列其或開報未盡兼有報而未實者許父小
互相面詰處所開者必皆貧民而所賑者必無差舛
矣然賑濟之舉一方設處者僅可給一方之民若不
驅逐流移各歸原籍則非惟錢糧無以相繼而且異
鄉羸弱摩肩接踵每有薰蒸染疫之憂來歷不明烏
谷雲屯多有羣聚詆譟之變合無通行各省轉行府

州縣除本地窮民及先年逃而問風復業者或雖係外省而藝業已久有同土著者俱許一同行賑其餘查係隔省素無根據一旦流來自務要嚴加設法禁止驅逐不得一槩容留濫行賑濟庶人皆土著而無跳梁不軌之謀所賑有限而得家給人足之益矣至於賑濟之所尤必酌量遠近立爲粥場如一鄉鄰近處所查其人數多寡分爲幾處大約遠不得過十里多不得滿百名蓋太遠則就食不便過多則擁奪難防且乞食窮民類多老稚枵腹遠行困苦萬狀因圖

充腹反致殞軀故不可不因地立場俾令隨取而隨足也然每鄉更須僉派尚義鄉民一名誠實老人一名使之主掌米穀料理粥場更委廉能佐貳官及能幹雜職等官分投總攝果能盡心賑濟民沾實惠者許掌印官從實申報輕則聽令本處撫按嘉獎重則轉報吏部以憑不次超擢否則治之以重罪庶人心知奮而無侵漁虛冒之奸民皆受惠而獲起死回生之利矣伏乞 聖裁奉

聖旨戶部知道